



Sindikat Uprave za indirektno/neizravno oporezivanje

Синдикат Управе за индиректно опорезивање

Broj: 55/9-07/22

Datum: 14.07.2022. godine

BOSNA I HERCEGOVINA
MINISTARSTVO PRAVDE
SARAJEVO

PRIMLJENO			
Organizaciona jedinica	Klasifikaciona oznaka	Broj	Broj - datuma
		13-07-	2022

BOSNA I HERCEGOVINA

VIJEĆE/SAVJET MINISTARA BOSNE I HERCEGOVINE

Radna grupa za socijalni dijalog sa sindikatima u institucijama Bosne i Hercegovine

N/r: Sanja Jokić, predsjedavajuća

13-07-2022

BOSNA I HERCEGOVINA

MINISTARSTVO PRAVDE BOSNE I HERCEGOVINE

N/r.: Josip Grubeša, ministar

Predmet: Zahtjev za pristup informacijama vezano za otpočinjanje postupka Kolektivnog pregovaranja, *traži se*

Dana 20. juna 2019. godine reprezentativni sindikati institucija Bosne i Hercegovine i to: Savez sindikata policijskih organa u Bosni i Hercegovini, Sindikat državnih službenika i zaposlenika u institucijama Bosne i Hercegovine i Sindikat Uprave za indirektno/neizravno oporezivanje, potpisali su Sporazum o suradnji, a svrha potpisivanja Sporazuma jeste opredjeljenost sindikata-potpisnika na zajedničko sindikalno djelovanje, prvenstveno kolektivno pregovaranje i ostvarivanje prava u socijalnom dijalogu radi poboljšanja ekonomskih, socijalnih i radnih uslova za sve članove reprezentativnih sindikata, potpisnika Sporazuma.

Temeljem navedenog Sporazuma, a sukladno odredbama čl. 90. i 91. Zakona o radu u institucijama BiH ("Službeni glasnik BiH", br. 26/04, 7/05, 48/05, 60/10, 32/13, 93/17) reprezentativni sindikati su izradili zajednički Nacrt Kolektivnog ugovora, s ciljem pokretanja postupka kolektivnog pregovaranja i u konačnici zaključenja Kolektivnog ugovora. S tim vezi, a imajući u vidu da su reprezentativni sindikati ispunili sve zakonom propisane uvjete, aktom od 13.12.2019. godine inicirano je otvaranje postupka kolektivnog pregovaranja o zaključenju Kolektivnog ugovora za zaposlene u institucijama BiH, pri čemu smo u prilogu dostavili:

- zajednička Odluka o imenovanju predstavnika reprezentativnih sindikata u pregovarački tim ispred reprezentativnih sindikata za kolektivno pregovaranje sa Vijećem ministara BiH, odnosno pregovaračkim timom ispred Vijeća ministara BiH,
- prijedlog Protokola o kolektivnom pregovaranju, između Vijeća ministara Bosne i Hercegovine i reprezentativnih sindikata, s jasno utvrđenom dinamikom kolektivnog pregovaranja kako je to uobičajena praksa i standard u kolektivnom pregovaranju između poslodavca i organizacija zaposlenih, kako u BiH tako i u susjednim zemljama. Prijedlog Protokola o kolektivnom pregovaranju sadržavao je i polugodišnju dinamiku izvršenja poslova kolektivnog pregovaranja, do konačnog usuglašavanja teksta Kolektivnog ugovora.

Nakon gore opisanih radnji, a kako je izostao odgovor Vijeća ministara Bosne i Hercegovine, na inicijativu predsjednika reprezentativnih sindikata dana 04.03.2020.godine održan je radni sastanak sa predsjedavajućim Vijeća ministara, dr.Zoranom Tegeltijom. Sastanku su nazočili i

Vjekoslav Bevanda, Ministar financija i trezora BiH, Fahrudin Radončić, Ministar sigurnosti BiH i Josip Grubeša, Ministar pravde BiH.

U svom izlagaju Predsjedavajući g. Tegeltija istaknuo je da je novi saziv Vijeća ministara opredijeljen za socijalni dijalog sa sindikatima u cilju poboljšanja statusa radnika te iskazao spremnost za otpočinjanje procesa kolektivnog pregovaranja, kako bi se u konačnici došlo do potpisivanja općeg kolektivnog ugovora koji predstavlja osnovu za regulisanje međusobnih odnosa i koji garantuje prava zaposlenima u institucijama BiH.

Napominjemo, na sastanku od 04.03.2020.godine dogovoreno je da se u narednih deset dana od dana održavanja sastanka formira Radna grupa koju će činiti predstavnici Vijeća ministara i reprezentativnih sindikata, a koja će raditi na rješavanju otvorenih pitanja i problema s kojima se susreću zaposleni u institucijama BiH.

Podsjećamo, Odlukom Vijeća ministara Bosne i Hercegovine („Službeni glasnik BiH“, broj: 23/21) imenovana je Radna grupa za socijalni dijalog sa sindikatima u institucijama Bosne i Hercegovine. Člankom 2. imenovani su članovi Radne grupe, dok Članak 3. definira zadatke i način rada.

Zajednički sastanak Radne grupe, kojim je predsjedavala Sanja Jokić, Ministarstvo financija i trezora Bosne i Hercegovine, održan je dana 22.3.2022. godine, a istom su nazočili predsjednici reprezentativnih sindikata: Ana Mrnjavac, predsjednica Sindikata Uprave za indirektno oporezivanje Bosne i Hercegovine, Dragan Krvavac, predsjednik Saveza sindikata policijskih tijela Bosne i Hercegovine i Salih Karačić, predsjednik Sindikata državnih službenika i zaposlenika u institucijama Bosne i Hercegovine, kao i predstavnici institucija BiH: Željko Bogut, sekretar Ministarstva pravde Bosne i Hercegovine, Jelena Savić, pomoćnica ministra sigurnosti Bosne i Hercegovine i Maja Golijanin, tehnička podrška za rad Radne grupe ispred Generalnog sekretarijata Vijeća ministara Bosne i Hercegovine, a pri čemu su doneseni sljedeći zaključci:

1. Radna grupa zatražila je od Vijeća ministara Bosne i Hercegovine da imenuje pregovarački tim u ime poslodavca za kolektivno pregovaranje sa sindikatima, te da se odredi dinamika za pregovaranje o opštem kolektivnom ugovoru.
2. Radna grupa je predložila da Vijeće ministara BiH donese Odluku o visini osnovice za obračun plaće za 2022. godine koju je predložilo Ministarstvo financija i trezora Bosne i Hercegovine.

I bez obzira na održani sastanak i započete zajedničke aktivnosti imamo saznanja da je predsjednik Sindikata državnih službenika i zaposlenika u institucijama Bosne i Hercegovine, Salih Karačić, samostalno istupio i uputio Vijeću ministara Bosne i Hercegovine inicijativu za otpočinjanje postupka Kolektivnog pregovaranja, čime je minimizirao rad tri reprezentativna sindikata na zajedničkom dokumentu, Nacrtu Kolektivnog ugovora.

U vezi s tim, a sukladno članku 11. Zakona o slobodi pristupa informacijama u Bosni i Hercegovini („Sl.Glasnik BiH, broj28/00, 45/06, 102/09 i 62/11), ispred Sindikata Uprave za indirektno – neizravno oporezivanje **upućujem ovaj Zahtjev, te molim da nam dostavite informaciju:**

- Da li ste zaprimili Nacrt kolektivnog ugovora od Sindikata državnih službenika i zaposlenika u institucijama Bosne i Hercegovine i kakva je daljnja procedura u vezi s istim?

- Da li moguće ovako pojedinačno istupanje jednog reprezentativnog sindikata, bez obzira na odredbe članka 90. i 91. Zakona o radu u institucijama BiH?,

te ukoliko jeste:

- Da li se može i Sindikat Uprave za indirektno – neizravno oporezivanje obratiti na isti način, sa ciljem žurnog pokretanja procedure za donošenje Kolektivnog ugovora.

Smatramo da reprezentativni Sindikat Uprave za neizravno oporezivanje, kao i Savez sindikata policijskih organa u BiH, kojih se izravno tiče predmetna stvar: ima pravo na pristup ovim informacijama, sukladno članku 4. Zakona o slobodi pristupa informacijama u Bosni i Hercegovini, koje su od javnog interesa, sukladno članku 9. istog Zakona, kada je riječ o našim daljnjim aktivnostima vezano za otvaranje postupka kolektivnog pregovaranja i zaključenje Kolektivnog ugovora.

U nadi Vašeg brzog odgovora unaprijed se zahvaljujem.

S poštovanjem,



Dostavljeno:

- Naslovu (x 2),
- Savez sindikata policijskih organa u BiH,
- a/a.